

沙縣志

地314.11 申*1 地310.57
36
18



沙縣志卷之十一

政績誌

甘棠布政召伯繫南國之思峴首留碑羊叔下西州之
淚豈非遺愛在人民不能忘故與沙自建置以來興利
除弊代有傳人賢良之頌循吏之稱駸駸乎及於古矣
夫課有殿最年有甄別位無尊卑賢者自貴虞書三載
考績周官六計弊吏所賴膺斯職者德澤及民口碑載
道而卽此編爲先聲之樹焉爾志政績

唐

沙縣誌

卷之十一

政績

鄧光布字明遠光州固始人智畧絕衆唐乾符初爲崇安

鎮將時唐季不競草竊四起布與攝縣事曹朋謀徙縣

治於鎮西揚篔坂據險固守賊不敢窺免屠劉焉卽今

治也後黃巢破閩布率衆禦之誤中流矢死民立祠祀

之因占籍邑中子孫世顯人以爲功德之報云 祀名宦

曹朋字仲益光州固始人唐中和中以汀州司錄攝沙縣

事與鄧光布協謀徙今治時兵革之餘途殍者待哺溝

瘠者嗟援朋皆因其欲而投之肉白骨而起者無算遺

澤在民懷之不衰子孫占籍代多顯者 祀名宦



宋

李綱字伯紀邵武人政和元年由上舍及第授承務郎累官起居郎兼國史編修宣和元年六月京師大水上疏言此夷狄兵戎之象忤旨送吏部與監當差遣繼上封事更降一官謫監沙縣稅務寓居興國寺因名其居曰寓軒不以遷謫爲意吟咏自若時綱負天下之望以一身用舍爲社稷安危了翁以書致其父曰伯紀所言天下亦有非之者乎天下若無有非之者則其言是矣使不當其可天下豈有不非之者乎又遺之以書引狄梁

沙縣誌

卷之十一

政績

二

公李文靖王文正曰嶷嶷梁公疇克與對文靖文正輔世無悔誰其似之願公繼踵右文殿修撰羅疇以書致了翁道與綱從遊之適了翁報書曰吾儕老矣寓軒之人嘗發妙旨於筮篲舉世傾耳以需其再鼓今乃欲緝絃袖手以適羸馱之社若許其來而不拒則是私爲適已而以天下爲非我事也其繫人望如此二年六月復承事郎本等差遣去後靖康建炎間經制兩河立阻和

議國賴以重卒諡忠定

祀名宦

論曰鄧以武臣曹以攝事李以遷謫皆非宰職也然

鄧曹以啟土功顯忠定以德望隆俱足爲沙重者矧
遺風流澤尙可繹思乎故特弁之

知縣

謝濬邵武人紹聖間以通直郎知沙縣敏捷有吏才扶植
善良挫抑豪猾捐俸荆建平津橋凡政事有不便者輒
易之民頌其平

論曰讀濬傳逡逡未有奇蹟而稱名令者必首濬何
也扶植善良挫抑豪猾真民之父母矣微平津之勦
尙有遺思况貽利涉之功乎

沙縣誌

卷之十一

政績

三

王璣字元玉初試沙令能聲上達改宣教郎福建轉運司
主管仍領縣事歷任歲久多善政民立生祠於大平興
國寺今寺僧祀爲土神

論曰王令任歲久多善政至民立祠尸祀之必有興
革大愉快於民者而傳不載記者過也世有善而湮
者何限可慨矣夫

郭汝賢字舜卿浦城人第進士宣和初以興化軍通判攝
沙縣事聲績尤著遂授知縣讐伏強暴扶植善良民懷
其德而畏其威

事蹟詳通志建寧鄉賢

葉光處州人紹聖間以奉議郎知沙縣政雖尚寬而嚴於
草奸剔害秩滿民德之欲留弗果肖像祀於靈衛廟
論曰學士率疑寬猛之論非孔子言也至稱子產養
民惠使民義未嘗不信其爲君子蓋德威並用則可
俟其弊而反之則不可郭葉二令近之矣

萬諤字叔康饒州人紹聖間令沙有惠愛廣寇犯閩境諤
被漕檄督餉事賊破浮流鎮攻圍蘇源山寨諤率巡檢
吳鑄尉陳以忠以鄉兵數千逆拒之賊望風奔北追懾
百餘里履險墮空扶鼻取捷徑還治民感其德特祀之

沙縣誌

卷之十一

政績

四

論曰萬令可謂能其官者矣夫浩然之氣素定於中
鮮有不以餒敗者夫自輕非長策也若萬令可謂智
勇兼之矣

宋南強字子居山東人寓浙之紹興淳熙間知沙縣治專
德化不事刑罰勸農桑興學校繕修橋道幾一考解職
去民扶任攜俛往送之名其路曰甘棠勒碑識之

碑在縣南

油榿枋
北路口

初宋學於朱子令沙日朱子嘗答之以書曰跽
伏山間聽於道塗與凡士友之言具知政績之美竊謂
今之爲吏者抹過目前不得一意於撫摩之政久矣乃

知執事者出乎其間民不告勞而官無廢事是可尚已
邇聞當路頗已相知更願益修其在我者其實既大則
其聲逾閔將不可掩正不必有意於其間也 祀名宦

連三益字叔友安溪人慶元二年進士試令於沙為政明

簡庭無留訟姦宄帖伏及去遮留者魚貫不絕

事蹟詳通志泉

州鄉賢

王潯字景淵台州人嘉定間令沙政尚寬簡愛民煦煦嘗
捐俸建石橋開禧初解職去民思之不置立祠翔鳳橋
祀之

沙縣誌

卷之十一

政績

五

王洪之建寧人嘉定間知沙縣廉明不苛吏畏民懷時稱
能吏召入大理評事 出郡志通志

元

陳洪至正間尹沙縣為政廉明而濟以寬簡民訟紛糾剖
決無滯久而民自畏服無敢至訟庭者進士曹道振嘗
作平獄頌以美之

論曰自洪以上至謝尹潯歷宋元僅得十人然多以
寬簡著稱聞知學士論政者多是水火之議豈沙之
民別有心腹腎腸哉曰是所以治沙也沙民樸良沙

自重不肯輕折文用嚴之若東瀛新急則敗矣沙俗
儉力作客財以舍恐勝人爲強煩之若蕙小鮮擾則
亂矣故寬與簡惟治沙尤宜

范文忠字煥章定海人元末知沙縣造義倉築社壇崇儒
學以年誼教牒歸舊志無從郡誌增

明

陳善字 夏邑人洪武間知沙縣峻於特廉勤政患民
時馮谷堡鳩聚山谷以計擒之民獲安息與讓重負禁
奸止暴吏不欺而民悅服

沙縣誌

卷之十一 政績

六

倪峻字惟岳無錫人洪武末知沙縣廉靜寡慾好讀書黥
淫祠興學校廨宇壇壝構繕一新故事郡五邑歲常輸
糧食鎮東衛山民不諳海道舟多覆溺輒取償焉民甚
苦之峻爲疏于朝遂改輸福州延平二衛郡民咸德其
惠秩滿擢工科給事中

余寬字 由主簿景泰初因鄧定之亂遂擢沙令時屠
焚之餘田里繹騷百里莽爲荒墟寬至署居無所營立
荆棘中兼以瘡痍殘喘呻吟環四旁寬撫之有方斥
漸舒百廢次舉馴以劬敏遷舊志無從郡誌增於官氏

此郡志附舊二志有

論曰甚哉余令之難也非真有父母斯民之愛寧能以死而博一官乎惜流離之後堂宇不暇緝俎豆不暇陳徒付之一哀而已繼世之下修祀典者宜有遺議

張恣字叔亨號西溪順德人成化二年進士知沙縣端謹樂易政尙寬平敏於莅事公庭日無留案民愛戴之如父母嘗修建學校先賢祠及縣治事集而民不知擾公暇輒至學宮勵諸生課業刻羅豫章陳了齋遺書以詔

沙縣誌

卷之十一 政績

七

學者右任三年擢監察御史後至戶部尙書

曹閔字宗孝上海人由進士宏治間知沙縣慈良愷悌愛民如子民頌之曰曹佛然吏治精確政令所及百壬自

歛迹雖甚怒未嘗見呵譴也如興學校去淫祠禁喪禮

用浮屠民皆化之擢南監察御史民不忍舍樹碑接官

亭以繫去思正德初論宦官劉瑾下獄被杖瑾誅復官

鄧崇德字子修高要人早出白沙之門嘉靖己丑以舉人

授沙縣令美丰儀廉明慈惠勤於訓教甫莅任卽葺所

著開群蒙錄戶曉之大而綱常倫理之節小而服舍食

器之等莫不條分縷析惟欲斯民還淳返樸歸之禮而
已不數月民翕然改視易聽以趨于化暇卽在學宮與
諸生剖疑義娓娓不倦復以明倫堂迫於禮殿位不稱
移置東偏輪奐一新會督學高公貴亨按縣考核甚器
重之因方言沙學凋耗高爲進二十四人學徒始盛駟
緣是冒暑暴疾而卒厝尙無宿糧也四民哀之私謚曰
古廉先生

論曰聞鄧令以教爲政不媿媿於俗吏程度尤委心
鄉塾遠方之來就教者未嘗不延見敬禮也下車施

涉縣誌

卷之十一 政績

爲氣象卓有古循吏風惜奪之速未究其施

方紹魁字三選番禺人由舉人先任商河調繁知沙縣慈
明亮達不以俗吏縛束政瑕卽登眺賦詩或因而決事
山中捷若神也其率民以孝弟爲務見率教者嘉之若
于有他犯者或謔詞以欺亦不虞其詐也間語人曰吾
豈不知欲此輩存此良心知擴而克之耳尤剗剔奸蠹
邑有大猾盧某者喜構訟爲倖植豪黨武斷威傾一邑
紹魁廉其狀竟寘之法有善竊者雖白晝獲人人亦莫
之誰也杖殺之四境帖然聲爲外戶不閉尤留心學校

養育人材時四郊之外鮮業儒者爲設社學擇塾師分
地而督課之窮山通谷皆知誦讀也至才子弟卽以殊
禮禮之沙之文治駸駸日盛自此始時二狐爲妖紹魁
禱之神一夕忽雷震一狐斃于橋一狐出跪伏階下殺
之又有八虎爲患復禱之三虎自投阱死餘者躬率射
夫搗其穴殲之其異政類如此子二長官堂登陞慶辛
未進士官兵部郎中仲寅擢亦掌懷安縣教人咸以爲
善政之報

沈陽上海人嘉靖庚戌進士知汝縣自持高潔才識通明

汝縣誌

卷之十一 政績

九

初任值上數令多以累免疑其民之難也嚴以馭之民
惴惴不寒而慄踰數月悔曰吾過矣吾過矣豈知此民
猶太古之心乎遂破廨爲園一意撫字與民更始輕徭
省費約身飭法吏重足立頌聲四作會時上人方倚杖
數以奉委他出不能久莅事民深以爲憾不得飽其惠
也馴擢監察御史百姓思之立碑於儀門

袁應文字聚霞東莞人也舉人萬歷間任規模宏遠品式
周悉不肯爲一切苛小始至進父老子庭謝疾苦欲興
革者衆條以上擇其可次行之民有勸懲十餘之類曰

清同冰潔曰心對天知曰地運更新曰士風丕振曰管
建子來曰詰奸吏肅曰催徵有法曰訟獄無冤曰檄虎
就擒曰禁牛申燥沙自開設永安率以實糧分析其詭
寄及續買者遵制各立寄庄於沙然糧額永輕而沙重
永以清丈勻派畝不能二升沙則如制畝五升矣有大
猾欲益輕意盡得糧之在沙者悉歸之永而均之乃牒
訴兩臺臺下其議時有大吏惑諸胥持之甚急應文訊
之民民不可乃屢抗牘至欲棄官自分以上不能奪卒如
舊制自十九都分析歸化有鐵嶺者沙之縣脉出焉宏

汝縣誌

卷之十一 政績

十

治中不戒爲豪商鼓鑄鐵冶縣中遂大疫死者萬餘人
至是復有竊發之者民訴於庭應文曰是異地異人吾
法令不行也盍徐圖之廼廉得豪所厚者論以威德豪
帖服罷鑄庚申亂後歷東里人願自營堡基垂成以他
阻應文至諭曰是功之虧雖非一篲視昔屠剽不倍獲
無算耶盍勉成之民悟競勸修築崑然城矣臺溪有巨
盜蔓衍百餘黨積威所劫白晝入市攫人無畏稱不如
意輒謀陰殺之民凜凜卷舌恐發大難乃以計掩得其
魁四五人致之辟餘黨悉平儒學地濱河多水患宮牆

傾圮應文曰是可以妥聖靈乎乃相得福聖寺地而更
之自捐俸百金又捐罰鍰數百金數月告成沙治久界
一 中田多爲隣邑所得然買田者利於無糧賣田者利於
取帖率懸糧賣者戶歲久丁耗糧爲虛矣有戶絕者反
爲里排累因勘田界皆犬牙錯也質之田屬他邑稽之
糧爲虛矣歸查邑志畧無考廼議修邑志倣羅文忠輿
地圖式列都分界覈戶註糧民庶幾無賠賦憂凡此皆
爲民長久計也視邑如家無卽置敝卽補而尤勤訓誨
優禮典爲才子弟地會臺職闕召補御史聞命愴然曰

沙縣誌

卷之十一 政績

再稍展半歲吾志足矣士民不忍別留靴以識士相與
尸祝于庠民相與尸祝于市爲生祠者二 原字仲奎

徐顯臣字 [REDACTED] 永康舉人萬歷戊子任沙縣事下車後講

鄉約聯保甲條陳典章事宜尤加意于縣誌博採詳訂
設財役工以踵前任袁陳二尹之成後未詳所終 以後

論曰誌稱徐令通才遠畧機發刃逆曾不踰時鉅織
森植其條陳數事曰豁虛丁曰通鹽路曰端蒙養曰

置射圃曰焚火葬曰禁投匿名皆治沙要務但未知
設施成效若何攷諸名宦未傳其人卽故老亦無道

者附此俟論定焉

待問號

南海人由

知汝縣

正德

持著

隱先是汝民苦于虐政逃居郡城待問至

集還鄉井未逾時調繁晉江汝民愛戴立祠祀之

方震孺號孩未壽州人以進士尹汝樂易近人莫與比

詩字去任日署聯于譙樓上日別我還應想春日熙

曾否擾秋毫後擢都御史

康承祖號麟振太和人以進士尹汝善知人考校多拔名

士諒達慈惠政務宜民民甚德之立祠以祀後擢雲南

汝縣誌

卷之十一 政績

十二

督學道

解學夔號羅浮興化人由進士令汝廉愛有聲待士以禮

建義塚埋骸幣大旱步禱甘霖立澍人呼為解雨立亭

水南以誌績

程子鐸號黃興徽州人由進士知汝造士愛民政務寬大

崇禎辛未解額課八千兩至茶洋舟覆銀沒民慮妨令

輸補恐後司李鄒維璉謂其深得民心如此收上考

召為民部郎中立祠水南

程紹儒號北亭儀真人由舉人知汝明敏練達大有政才

民苦鹽引悉爲清理無偏累邑東閣逼城嘗患火立拆
之見城身且圯慨然曰天下將不能無事第人情難與
謀始吾不惜任怨勞爲爾等增築之遂以保民四事詳
憲首議增城及置軍器銃藥等事乃設法修造得完固
云尋陞河南知州後數年山寇臨城民賴保全皆紹儒
之力立祠南樓果有神見

國朝

董璘廣寧人順治初任沙一年死難撫臣聞其事于
朝優以卹典後祀名宦詳職官表

沙縣誌

卷之十一

政績

十二

盛交大倉人順治十年以進士令沙慎重廉潔催科中必
存撫字課士有方一時人材蔚起

傅登瀛字蓬洲蓋州人康熙三年以蔭生令沙先是民苦
加派登瀛悉釐革撫恤之時投誠官郭義等駐沙登瀛
量地居之安插得所令甫一載乞養告歸士民臥轍而
留建祠於洞天巖額曰棠垂去思

謝象超字恒殊安邑人康熙九年以舉人令沙出有骨
皮佃三則國初民苦客債割皮償息不飽惟恃以致
苗下賄糧家傾逃絕責及里排官累考成象超詳憲委

官審苗躬履驗嶺危陔沿鄉查訖招集流亡承認中有皮價報錯土名互異石數不符者聽其具呈審實改正從田間賦時值編審豁絕除虛逃亡相率歸土舊逋一清田不混淆著沙陽政畧甲寅變亂奸民乘機竊發象超靜以鎮之去輿蓋步行督率換戶自守卒保孤城他若修學宮勤課士手授訓蒙款要一書以循吏稱張選字登子山陰人貢監生原任鎮江府同知博物多才康熙丙辰丁巳後隨征入關以功署延平司馬兼署沙篆邑當湯火未離之初哀鴻四散陞至多方設法招集

汝縣誌

卷之十一

政績

十四

流亡城市山鄉始復故業特置大塚收瘞暴斃署理八月民甚德之偶至寺見額曰登陞之地不覺心動返署卽卒遂殯于寺中後祀邑之名宦

論曰等篆之賢例不傳而獨載張郡丞者以其卒于邑祠于庠也故詳之

樊際盛字景隆三韓人康熙二十年以太學生令沙時青年韶秀卽練達若老成其政惟以士習民依爲亟亟見學宮頽圯卽捐俸葺修又蠲資建置義學有樂育堂環黛樓翠滴亭復買民郭田歲得穀百餘石以克脯修延

師課士載義學錄義田冊詳憲刻碑以垂永久十二載
刑清政簡禁葦大當令民各甲自輸徵追有法寧靜無
爲縣治傍兩池通水豎檻種以荷花爛若河陽滿縣政
成報最擢知化州拔輿泣送者無算

盧成德字克明三韓人康熙甲戌令沙邑多陋規詳憲盡
葦里有事煩令親勘者自備行糧不累原被沙自變亂
以來丁多故絕令據實呈報除之民累以甦邑寺租苦
於賠賂特葦其弊夏旱步禱甘霖立沛時有藉饑奪人
倉穀者不畏疆禦捕鞠得情盡置之法異縣流寇蹂躪
鄉村隨請官兵沿勦生擒賊首杖斃之餘黨悉散其官
兵絡繹皆捐俸供應不擾民間蒞任三載憲察其英妙
廉能調知臺灣縣尋陞衡州同知

林采號梅莊廣西平樂縣舉人康熙三十六年任時大當
現役雖葦而糧戶之役未除民猶賠累采傳集紳衿會
議遵行滾單裁減貼解浮費詳 憲勒碑永禁六當糧
戶民得安業又捐俸修南樓東城增立義塚尤加意於
縣志博采詳訂卓有可稱

注壩號

浮梁人由進士任精明果斷民無遁情時義

沙縣志

卷之十一

政績

五

學掌教皆上憲薦舉空糜修脯墮詳 憲定制以沙縣
學考一等第一名者掌教生童均在義學肄業併捐俸
修葺煥然一新

郭匡號

山西絳縣人乾隆十五年由進士任毀淫祠

興學校親課諸生講明文藝一時科甲蟬聯皆所拔士
也性清介絕俗禁杜苞苴論文以外門無私謁榜其楹
曰受百姓一文錢非吾徒也虐下民一个命其無後乎
貪墨者惡之毀其楹

盛邦翰號

慈谿人乾隆二十三年由舉人任慈祥和

沙縣誌

卷之十一

政績

六

順視民如子有犯法者小懲示儆令其改過自新不加
重刑有蒲鞞之風民愛戴之稱曰盛老母

馬瀚號雪廬山東聊城人由進士署篆舊有米買穀價貯
庫流交遞年勒富戶承領巧立名色多方需索官吏分
肥民苦科派瀚諭紳士買穀設東西南北社倉遞年分
散耕民春借冬還永歸民管官吏不得干預無可需索
詳 憲勒碑民稱便焉今西門外天后宮後門社倉卽
南東二社也西倉在尾歷北倉在夏茂

余昌祖號觀光湖南臨湘舉人嘉慶六年任清廉練達治

獄先寬不爲勢怵民有鬻私鹽受拖累者察其寃釋使歸蒞大堂聽訟環而視者擁擠案前大愜人情

朱勳號美堂江蘇人由舉人任風規整肅嗜古字畫嘗有吏以畫魚干進者必窮治之戡下甚嚴胥役奉條約惟謹焉

許鑾號覲坡河南固始人由舉人署篆以振興文教爲己任每月兩次親課生童點竄詩文不辭勞瘁厥後科名鵲起造就之功居多

翁有儀號莪庵廣東惠來縣人由進士任清廉平恕苞苴沙縣誌

政績

不行刑清訟簡暇時親詣學宮與諸生構文藝致仕歸行禮蕭然

王廷葵號愛園貴州遵義縣人由拔貢署篆勞心課士定書院課期出貲給賞以勵生童戒民溺女出示勸諭嚴禁暴露捐俸買山增立義塚凡貧不能葬及無嗣者聽民自行捲葬勒碑誌之

陳士榮號向菴廣西馬平縣舉人三蒞沙邑有治獄才其二次蒞任時未入境聞明燈會捕人勒贖鴟集回都之白鶴山卽陰僱鄉勇於青州守候次日接任召兵役同

鄉勇到白鶴山搜捕拿獲羣盜十有餘名及主謀之鄧方布其有良民爲脅從者聽其自首縣賴以安

李廷璧號筠軒雲南晉寧州舉人以軍功賞戴藍翎道光三年署篆時草竊四起民情洶洶璧奉檄力行保甲親歷窮鄉山厰教以大小聯絡互相糾察要處立木牌坊榜曰聯甲緝匪每遇崎嶇輿步行不避艱阻民愛戴之所至皆奉鷄黍以迎盜賊歛跡上憲聞其能調知臺灣府彰化縣

陳炳極號曜南貴州貴筑人由進士署篆謙恭下士訪民

沙縣誌

卷之十一

政績

六

疾苦有賊首老張仔劫客攔河肆行無忌民受其荼毒多方緝訪募衆懸賞賊首就擒尋陞知州

縣丞

宋

趙希佺字安道安溪人開禧初進士由古田尉調丞沙縣以廉稱崇學禮賢為時推重

餘見泉州鄉賢志

明

彭修洪武間任沙縣丞政先愛民持身廉薄無異布衣尋

陞浙江道監察御史

通志郡志有舊志闕補之二

朱應樞字

鄞縣人少與相國同麓余公同學有聲庠

序馴以恩貢入國學屢試不偶迺謁選時諷者謂美官

沙縣誌

卷之十一政績

五

力能得之余公選不使之知也竟為丞于沙小心供職一廉自牧身之所履輒懷其惠而尤加惠於鹺政嘗兩署邑篆四境帖然又委署尤溪治狀如沙後復委署永安竟得疾歸卒民深哀之為樹愍德碑

主簿

宋

黎靖德永嘉人嘉佑間沙縣主簿攝縣事清謹自持善理繁劇博學能文詞嘗纂集縣志

劉純建陽人簿於沙持身廉介斷事果決適歲大疫躬製

方藥注而療之存活甚衆死者作大塚瘞之

縣尉

宋

許抗字損之南城人宣和間為沙尉時草寇彭孫嘯聚亡命阻山為固抗挺身入賊壘說而降之轉運使陳榮言於朝曰若許抗者可謂能滅九重之焦勞救一方之塗炭擢大理寺評事改知仙遊縣亦有能聲

論曰唐人有言脫身簿尉間方免捶撻辱則簿尉不貴於官久矣往往皆名民文士為之故能自振拔致

沙縣誌

卷之十一 政績

三

通顯蓋有以自貴之也今觀德也謹而才純也廉而果抗也敢而智豈皆自甘於卑下者哉宜其卓有建立聲稱奕世也世謂卑官無善政非官能卑人人自卑耳故特表之為自卑者勸

教諭

明

張善教瓊山人永樂間以乙榜署沙教諭學行粹潔歲以師道自立未踰年士皆從教唱諸生以

沙縣誌

何海字朝宗番禺人去治間教諭沙縣侃侃直諒諸生例供馬
勤恩義洽于士心知府孫衍嘉其文行徵修郡志士多
思之

王時舉東莞人嘉靖間教諭沙縣侃侃直諒諸生例供馬
直悉卻之又推俸優給貧者士有遺思

李邦光茂名人嘉靖間以恩選貢廷試第一教諭沙縣規
約修飭論著明爽士樂宗之時方尹作興學校多方贊
襄陞國子監典籍後令歸化猶時以燈油資諸生云

韓惟論字

蕭山人也舉人嘉靖間任性易直無城府

沙縣誌

卷之十一 政績

三

博學善屬文尤精於詞翰客至未嘗不聞其誦讀聲也
與諸士程式爲課娓娓不倦雖樂譚文藝亦切以修行
爲戒見行一善事者輒揚詡不容口浮誕之徒噴然化
之間遇急難迅解橐中裝濟之無難色至於東海澹如
也盛有時名所友多天下名士宦六吏臨莅來朝者莫
不曲致厚貲相遺一無所受會修縣志韓僉憲以六十
金辭曰爲草堂資時卽散衆工無縻帑也三年陞汶上
知縣卒汶上人爲祠祀之

王龜年吉水人嘉靖間以貢教諭沙縣究析理學士翁然

宗之 舊誌無今增

江梅字

臨川人舉人萬歷初任接士以禮不黷于售

然剛正之氣不為勢怵時稱良師陞永州府推官

許知新字致可晉江人舉人萬歷間任恭謹謙恪精博士

業至即課諸生品隲其文諭以成法因辨方立會令自

取同志者卒業月六會哀文以獻悉加點竄如童子師

隆冬盛暑閱忘倦也踰年旁邑之士聞風就學御史大

夫廉其賢四騰薦剡督學使者奇其文至於全閩考卷

屬訂入梓歲壬午卓生鈿遂以書魁閩省踰二年超擢

沙縣誌

卷之十一 政績

三

温州府通判士不忍舍立碑於明倫堂

謝天命字魯生全州人由舉人署沙庠諭勤學敦行飲人

以和士有不率者色笑以導之無不樂服尋陞南雍助

教沙士建祠曰百世之師 增

劉廷憲字

同安人由舉人署沙庠諭勤於課士立祠

祀之

訓導

明

林順海陽人由歲貢嘉靖間分教沙學古貌古心積學

行言悄悄若不出口至靜理析疑則纏纏若焚棘嘗曰
吾於四傳甚有折衷惜諸士無以春秋業者亦病言後
自老去士莖德之子大松中廣東 科鄉試

吳遷上高人嘉靖間訓沙明經砥行憲言淫欲飲人以其
類安之其配警御之如爲禮不言而舉行卓然篤行言
子也